



Rabu, 14 Februari 2024
Ogen: Masmur 122:6



“Ertotolah Gelah Indonesia Dame”



Wari enda tepatna tanggal empat belas pebruari e me wari Valentine (hari kasih sayang) sekaligus ka maka bas wari enda silakoken me pemilihan umum secara serentak guna milih pemimpin bangsata. Terpilihna pemimpin si adil, mehuli dengen bujur mbelin kal ngaruh bas kita nari.

Selaku warga Indonesia, terlebih-lebih selaku warga Kinirajan Surga, mehuli kal adi si totoken lebe kerna kerina calon si man pilihen. Ertotolah gelah Indonesia dame si jadi tema wari enda tentuna ningetken kita gelahna i bas proses pemilihan wari enda banci erdalin alu mehuli dengen bujur, gelah hasilna pe banci maba kedamen ku bas geluhta selaku pemilih. Pengarapenta arah proses pemilihan e jenari rikut pe ras pertotonta sekalak-sekalak banci terjadi bagi si iarapken kita. *"Tatap k'rina min bangsangku, i bas Indonesia pe. Keke k'rina min ukurna, meg i ajarNdu e. Gelah ia atan min, jadi warga surga kin. Kemenangen, kesenangen bana ibereken Kam kir"*. Syair lagu KEE 99:4). Lagu enda me pertoton teptep kalak si erkiniteken.

Ertotolah kita guna kiniulin bangsa ras rakyat, proses pemilihan umum si i lakoken bas wari enda; bagepe ulih pemilihan umum segelah Dibatalah campur tangan i bas kerinana. Si penangkihlah sapaatta nandang i Indonesia enda gelah dame dengen kejuah-juahen i bereken Dibata man bangsaNa. Sebab mbelin kel ulih pertoton kalak si erkiniteken. Dibata tetap nginget anak-anakNa si alu setia mindo man baNa. Pertoton kalak si tek mbelin kel ngaruhna, tek kita Dibata erdahin makeken kerina kalak guna kiniulin, kemajun ras kedamen bangsa Indonesi ibas proses pemilihan enda seh pagi pengumuman ulih pemilihan.

➤ *Tetaplah ertoto guna pemimpin si nggo i pilih*